

Regulativ forestal

digl

Cumegn da

Tinizong-Rona

# CUNTIGN

	<u>artetgels</u>	<u>pagina</u>
I. DISPOSIZIUNS GENERALAS	1 - 2	2
II. ADMINISTRAZIUN	3 - 7	2
III. ECONOMISAZIUN DIGL GÔT	8 - 13	4
IV. PRODUCTS FORESTALS E PRESTAZIUNS FORESTALAS	14 - 20	5
V. PROTECZIUN DA DONNS	21 - 25	7
VI. DISPOSIZIUNS PENALAS	26 - 29	7
VII DISPOSIZIUNS FINALAS	30 - 31	9
VII AGIUNTA / LAGNA DA TAXA		
A) GENERALITADS	1 - 10	10
B) LAGNA D'ADIEVER	11 - 14	12
C) LAGNA DAD ARDER	15 - 17	13

Sa basond agl art. 54 dalla lescha forestala digl cantun Grischun (LfoC) scu er agl art. 38 dall'ordinaziun executiva alla lescha forestala cantunala (OE alla LfoC) relaschedas dalla regenza igls 7 da november 1995, relascha igl cumegn Tinizong-Rona igl suandont regulativ forestal.

## I. DISPOSIZIUNS GENERALAS

### Art. 1

*Intent* Igl regulativ forestal digl cumegn Tinizong-Rona regla l'organisaziun, igls dueirs e las obligaziuns digl sarvetsch forestal digl revier forestal communal.

### Art. 2

*Prancepi* Igl gôt communal duess pudeir adampleir lour prestaziuns da protecziun, d'utilisaziun e bagnstar public an moda persistenta.

## II. ADMINISTRAZIUN

### Art. 3

*Organisaziun* Igl cumegn magna en agen travagl forestal per adampleir las sias incumbensas.

### Art. 4

*Administraziun e survigilanza* L'administraziun e la survigilanza digl gôt communal sottastat alla suprastanza communal. En commember dalla suprastanza è schef da gôt.

### Art. 5

*Suprastanza communal* La suprastanza communal è responsabla per igl mantignamaint e per la cultivaziun nizzevla digl

*nala*

gôt communal. Ella

- a) fixescha las directivas dalla politica forestala digl cumegn;
- b) eligia igl selvicultour da revier;
- c) relascha la descripziun dalla piazza e fixescha igls dueirs e las competenzas digl selvicultour da revier;
- d) surdat lavours pi grondas tenor la descripziun dalla piazza digl selvicultour da revier;
- e) punescha surpassamaints digl regulativ forestal
- f) apprescha igl program annual anfignen mez mars
- g) prepara igl preventiv
- h) survigilescha la gestiun;
- i) decida davart igl plazzamaint d'ena grupp da gôt;

Schi la suprastanza communal tratta an ena seduta dumondas da gôt, schi pò ella anvidar er igl selvicultour da revier. El ò vusch consultativa.

## Art. 6

*Schef da gôt*

Igl schef da gôt:

- a) promova l'economia forestala e la commercialisaziun dalla lagna aint igl cumegn;
- b) represchainta igls interess forestals an suprastanza communal ed ainten la populaziun;
- c) sa participescha a vistas occularas;
- d) fò proposta per surdar lavours forestalas pi grondas;
- e) survigilescha la vendita dalla lagna.

## Art. 7

*Selvicultour da revier /*

Igl selvicultour da revier vign pladia e paea a norma dallas disposiziuns executivas digl cantun.

*Manader da gestiun* Ad el surstat la gestiun digls affars forestals tenor las disposiziuns executivas cantunalas per pladi-maint, dretgs ed obligaziuns digls selvicultours da revier forestals e tenor la descripziun dalla piazza.

### III. ECONOMISAZIUN DIGL GÔT

#### Art. 8

*Fegna-meira* Igl gôt communal è da cultivar sagond las disposiziuns fixadas aint igl rom dalla planisaziun forestala.

#### Art. 9

*Program annual* Las lavours sa drezzan sagond igl program annual appruo e sagond igl preventiv.

#### Art. 10

*Siertad da labour* Las lavours forestalas dastgan neir exequeidas angal da luvrants instruias tenor prescripziuns per la scolaziun minimala digls luvrants da gôt aint igl cantun Grischun ed angal observond las disposiziuns davart la siertad da labour dalla ISSA/SUVA. Ultra da chegl dastgan lavours neir surdadas a terzas persungas angal observond l'obligaziun necessaria d'ager cun precauziun.

#### Art. 11

*Protecziun dalla lagna* Noua tg'igl è necessari per muteivs da fitosanitad e per sierar la qualitad, stò la lagna pinada neir allontanada immediatamaintg or digl gôt u neir trattada an moda cumpetenta.

## Art. 12

*Infrastructura* Per cultivar igl gôt communal ègl da stgaffair en'infrastructura adattada e da la mantigneir an en bung stadi.

## Art. 13

*Adiever dallas veias da gôt* Dallas veias da gôt pò neir fatg adiever angal per intents forestals ed agricols scu er per excepziuns lubeidas tenor la lescha forestala federala e cantunala.  
Ulteriuras excepziuns valan tenor reglamaints correspondents digl cumegn.

## IV. PRODUCTS FORESTALS E PRESTAZIUNS FORESTALAS

### Art. 14

*Commerzialisaziun* Igl cumegn commercialisescha igls products e las prestaziuns forestalas igl migler pussebel. El sustigna associaziuns cun las mademas fegnameiras.

### Art. 15

*Vendita da lagna* Igl selvicultour da revier organisescha la vendita da lagna pigl cumegn, e chegl sagond igls prancepis dall' «Isanza digl martgea da lagna an Svizra».

### Art. 16

*Consum intern* La lagna d'adiever e la lagna dad arder duvrada per edifezis comunals vign messa a chint pigl prietsch da commerzi.

## Art. 17

*Lagna da taxa*

La suprastanza communal da decida davart las cundiziuns da vendita dalla lagna da taxa a persungas autorisadas, sagond la lescha cantunala digls cumegn. I valan las prescripziuns dall'aggiunta da chest regulativ.

## Art. 18

*Lagna morta*

Per lagna morta vala lagna setga an peis u tarada, cun pi pac tgi 16 cm diameter, misiro sen l'otezza digl brost, scu er romma, scorsas, sclavezzas e tschitgas libras. La roma digls tagls annuals vign dada libra digl forestal cun affischa alla tavla neira. Igl dretg da far tala lagna on igls abitants digl cumegn.

## Art. 19

*Pignoula da Nadal e dascha*

Pignoula da Nadal e dascha dastgan neir tagleas angal cun lubientscha digl uffezi forestal. Igl selvicultour da revier pò procurar la preparaziun e la vendita adequata.

## Art. 20

*Prestaziuns d'economia collectiva*

Igls costs per las prestaziuns d'economia collectiva èn da cumpruar, e schi pussebel da metter a chint a chels tgi teiran en nez ordlonder. Tot igls retgavs dallas prestaziuns d'economia collectiva e dallas utilisaziuns secundaras duessan neir bonifitgeidas agl chint forestal.

## V. PROTECZIUN DA DONNS

### Art. 21

*Donnager plantas* Igl è scumando da tarar lagna sainza lubientscha e da donnager lagna an peis, pignoula e culturas.

### Art. 22

*Sezs ots* La construcziun d'observatoris (sezs ots) sen plantas è scumandada.

### Art. 23

*Pascula-ziun* L'utilisaziun digl gôt e gôt da pastgira è da reglar an reglamaints da pastgira u an projects per separar gôt e pastgira, e chegl cuagl consentimaint digl sarvetsch forestal.

### Art. 24

*Fi* Igl è lubia da far fi aint igl gôt u an vischinanza da chel, angal ainten fuclars stabels e schi exista nign priewel da fi relevant.  
Iglis luvrants da gôt survignan la lubientscha da far fi cun la cundiziun, tg'els observan totta precau-ziun.

### Art. 25

*Campar* Igl è scumando da campar aint igl gôt cun excep-ziun digls lis mess a disposiziun digl cumegn.

## VI. DISPOSIZIUNS PENALAS

### Art. 26

*Cumpeten-za* La suprastanza communal è cumpetenta per tot igls surpassamaints digl regulativ forestal, schina-



vant tgi chels na crodan betg sot la cumpetenzza d'en'otra instanza.

#### Art. 27

*Multas* Igl surpassamaints digl regulativ forestal preschaint vignan punias cun multas da 50.- fr anfignen 5000.- fr, e l'obligaziun da surpiglier l'indemnisaziun cumplagna digl donn.

#### Art. 28

*Scadenza, meds legals* Las multas e l'indemnisaziun digl donn èn da paer alla cassa communalaina ainfra en meis siva dalla consegna dalla disposiziun dalla multa. Cunter las multas decretadas dalla suprastanza communalaina, ò igl punia dretg da far recurs tar la dertgira administrativa ainfra 20 deis.

#### Art. 29

*Obligaziun da tgisa* Persungas uffizialas èn oblieidas da tgisar igls surpassamaints tgi ellas intervignan.

## VII DISPOSIZIUNS FINALAS

### Art. 30

*Antrada an vigour* Chellas disposiziuns executivas inclusiv l'agiunta, aintran an vigour cun l'approbaziun dalla radunanza communal e dalla regenza digl cantun Grischun.

### Art. 31

*Vigour* Igl regulativ preschaint inclusiv l'agiunta, è nia appruo dalla radunanza da cumegn digls 12-03-99 e vo an vigour cun l'approbaziun. El ramplazza prescripziuns digls dus cumegns da pi bod, an spezial igl regulativ forestal digl cumegn da Tinizong digls 27-11-1971.

Igl mastral:

Igl actuar:

Mario Jegher

Mario Dosch

## VII AGIUNTA / LAGNA DA TAXA

### A) GENERALITADS

#### Art. 1

*Noziun* Per lagna da taxa vala la lagna d'adiever e la lagna dad arder tg'igl cumegn venda per en prietsch redutgia.

#### Art. 2

*Dretg* La lagna da taxa vign vandeida a persungas cun igl domicil da taglia aint igl cumegn scu er a persungas giuridicas per edifezis sen territori da cumegn.

#### Art. 3

*Dumondas  
Termins* Dumondas per cumprar lagna da taxa èn d'inoltrar a scretg agl selvicultour da revier. Per lagna d'adiever ègl d'inditger igl intent digl adiever e d'aggiuntar ena glista da lagna. La suprastanza communal decide davart las dumondas per lagna d'adiever, igl schef da gôt u igl selvicultour forestal per la lagna dad arder.

#### Art. 4

*Vendita* La lagna da taxa è da retrer normalmaing digls tags ordinaris u dall'utilisaziun sfurzada. La vendita giu dalla tschitga è scumandada.

## Art. 5

*Pinar/  
transportar* Igl cumeegn è responsabel pigl pinar e pigl transport dalla lagna da taxa. Sch'igls cumpraders gidan pinar e transportar la lagna, ston els disponer dalla scolaziun minimala prescretga legala. An chel cass èn da manar glistas da paia correspundentas, cun las qualas els èn sieros cunter accidents tras igl cumeegn tar la ISSA/SUVA.

## Art. 6

*Lagna da  
construc-  
ziun* Lagna da construcziun tgi vign betg duvrada rondona, ò da neir razgeda alla rezgia communal.

## Art. 7

*Termin per  
allontanar  
la lagna* Lagna tgi è betg neida allontanada ainfra en onn, croda danovamaintg an possess digl cumeegn sainza indennisaziun.

## Art. 8

*Prietsch da  
vendita* Igl prietsch da vendita tgi sa cumpona dalla taxa e digls costs per pinar, vign fixo dalla suprastanza communal sen proposta digl selvicultour da revier. La taxa monta, per persungas legitimadas tenor art. 2, aglmanc 50 pertschient dalla valeta da commerzi dalla lagna.

## Art. 9

*Li d'utilisa-  
ziun/com-  
merzi/barat* La lagna da taxa dastga neir duvrada angal sen territori communal. Igl commerzi cun lagna da taxa è scumando. Igl barat è lubia cun igl consentimaint dalla suprastanza.

## Art. 10

*Reclama-  
ziuns* Reclamaziuns eventualas tgi pertotgan la quantidad e la qualidad, èn d'inoltrar a scretg avant tgi la lagna vign manada davent, igl pi tard pero 15 deis siva la repartiziun, e chegl tar igl uffezi forestal da revier. Siva da chel termin scroda, la responsabladad digl cumegn, cun excepziun da mancanzas zuppadas.

## B) LAGNA D'ADIEVER

### Art. 11

*Promozion  
dalla con-  
strucziun  
da lagn* Per edifizis novs e midadas da construcziun per agen adiever pò neir cumpro lagna da taxa.  
Per lagna da construcziun razgeda vign ranviia agl art. 6 da chest reglamaint.

### Art. 12

*Sorts da  
lagna* I vign vandia angal lagna da pign.

### Art. 13

*Restric-  
ziuns/utill-  
saziuns* Lagna d'adiever retratga, ò da neir duvrada per igl intent lubia ainfra dus onns. Per lagna tgi n'è betg neida duvrada segl termin, u tgi è neida duvrada per en oter intent, ègl da paer, ultra dalla multa, la differenza totala agl prietsch da commerzi.

### Art. 14

*Midada da  
possess* Tgi tgi venda en bietg construia cun lagna da taxa ainfra 20 onns ad en ester, ò da paer la differenza totala agl prietsch da commerzi. Decisiva è la valeta actuala digl lennom.

## C) LAGNA DAD ARDER

### Art. 15

*Quantitad da compra* Tenor pussebladad vign consigneida la quantitad giavischeida.

### Art. 16

*Vendita* La lagna vign consigneida an furma lunga e dasper las veias da gôt carablas. Sch'igl cumprader giaveischa en'ulterioura preparaziun e furniziun a tgesa, succeda chegl per igls costs effectivs.

### Art. 17

*Termin* Igl termin da vendita vign communitgia tenor pussebladad conform agls giaveischs digls cumpraders.